

《中國地方藝文薈萃》編委會 編

中國地方藝文薈萃

學苑出版社

華東卷·第九輯 陸

華東卷·第九輯
陸

中國地方藝文薈萃

《中國地方藝文薈萃》編委會 編

德州师范学院内部使用

梅里詩輯二十八卷續梅里詩
輯十二卷補遺一卷（三）

漳州师范学院内部使用

梅里詩輯二十八卷續梅里詩輯十二卷補遺一卷（三）

（清）許燦（清）沈愛蓮編

據清道光三十年（一八五〇）嘉興縣齋刻本影印

梅里詩輯卷第十七

里人許燦衡繫編

周 篁

篁字林於布衣篁從弟太學生有鷓塘稿

詩話鷓塘吐屬清新微乏風骨少時與先王父竝學
 文于繆處士苻溪又竝學師娘鎗法于王將軍定遠
 鷓塘又學白打于僧法仗縱躍如飛數十壯夫辟易
 不敢近顧中村贈以詩云我鄉個儻推周郎少年闢
 入蟋蟀場指揮戰鬪神飛揚有時走入屠狗市長鎗
 短打堅壁壘肝膽照人欠一死興來琢句尤清新豁
 寫胸臆何輪困昔時阿兄老詩伯時亦避舍為逡巡
 年來遊歷棲都下相見真同腐儒者鷓鳥忘機不思
 人木雞養到形非假相看潦倒但飛觴醉來話舊還
 連牀十年龍鱗說不盡紙窗落月搖寒霜益閱歷久
 而豪氣除矣

宿父山

父山我舊廬榻來寄幽蹤上有高人居寥寥聞暮鐘古潭映

深碧下或潛虬龍嗟茲實培塿雲氣何重重徘徊顧四野清
籟生長松浩然發長嘯月出東南峯

雜詩

輕風蕩浦口綠水生微波葳蕤斷腸草姣好連理荷美人感
獨處況復歲月多迴文寄妾怨出塞愁君歌悵然懷久役起
步投鳴梭登樓試長望道遠將如何

歲暮與范聖游

蕭條歲將晏車馬無經過窮巷寒氣深況乃雨雪多索處忽
不憚念子重悲歌賣藥豈長策志業空蹉跎舉止愧鄉閭發
言畏風波安得舍此去笑傲同巖阿

過指月庵

西溪蘭若幽霜華凍苔石塵俗多經營歲暮少來客唯餘素

心人相共數昕夕厨烟繞竹青晚日沈林赤齋鐘發清音山
鳥歸倦翮老僧乞食還洗鉢溪水碧跌坐機心忘燒松寒氣
辟丈室覺自寬世路嫌多窄清寂聊共參喧囂暫相隔無言
得眞詮慎行有深益躁妄滋悔尤宣尼訓堪繹深公買山棲
此意良非僻

游息溪上言懷

清秋衆務閒人值臥疴好高天放新霽幽園散行潦涼風巡
階除落葉自能埽北牖聞鳴螿切切在叢草淒焉感候遷沈
憂集懷抱疇曩秉孤潔牛驥羞同阜詎料時勢殊初終難自
保亦識組綬途虛華非至道顧念垂暮親名成苦不早志氣
擬崇基結髮攻文藻天命會有定徒使形神槁隱顯兩未諧
遠欲慚綺皓苟得一頃田何妨巖穴老

負疾方匝旬蓬門少塵事幽蹈循斷垣輕裾礙薜荔西日照
東臯鬱紆隱蔥翠小棹徐迴溪孤僧暝投寺只此眺望間爽
然澹名利予夙懷遁棲勞生未能遂外牽世俗情內滋室家
累進退多苦難爲歡竟無地側聞古人風千載欣同致欲遵
阮公達願學劉伶醉蕭散隨鹿麋免遭物所忌榮辱咸相忘
庶愜平生意

偶感

蛟龍困溝渠良才伏草莽置身乏良圖青雲未能上家貧親
故稀地僻莓苔長落落無歡娛依依念朋黨意氣復空言平
生徒慷慨舉眼盡如斯山林欲長往在言寡毀譽居心罕
俯仰皎皎孤月輝庶幾喻高朗

雨天柬寄王怡

霽雨氣蕭森寒氣達虛館重陰黯四垂淒淒日易短居貧動
息閒處困精神懶祇以多病餘知交遂萍散倚扉曉村落杳
曠行蹤斷山隱晚靄迷橋低秋漲滿荒祠鳴鐘遲夕鳥歸林
緩覽物增懷思殷勤念同伴欲因濁尊酒相對披衷款倘不
逢素心安從舒憤懣

西園精舍分詠得嫩字

鷓鴣巢一枝芝蘭生九畹寄託各有宜幽人愛嘉遁厭聞俗
士言喜就山僧飯林鐘鳴數聲庭蘚積盈寸曲舍飄旃檀斷
壁搖蘿蔓齷齪朝市違風景林泉遠深沈慕溪魚矯捷看松
颺木石形自忘魚鳥情多縈日落上層臺稍豁胸中悶清寥
愜性情孤高出塵坳游眺遲春明青浮遠山嫩

集史氏園亭范聖游留飲分得落字

細懷託山林倦足遠城郭寂寂涉南園團團日西落板橋低
渡人乳鴨靜依壑籬根亂石欹水面餘冰薄繁華世攸慕此
地誰能託孫登已云沒陶潛難更作眷言同心人來探共寂
寞蘭溪有范生懷抱雅相若爲養堂上親恆採山中藥開館
望遙峯肆筵款深酌促膝頻笑歌秉燭紛酬酢聚首當畢歡
分途易飄泊丈夫感意氣君子重然諾砥礪在苦心清言豈
云護

送丁筠雪中翰歸燕

江南歲苦旱赤地亦洪爐良苗旣槁死嘉樹亦焦枯貧農盼
雲霓旦夕引領呼東海波浮天豈解心煩悞安得作甘霖俾
此羣黎蘇誰當憇陽侯沾灑周寰區八月有四日丁子歸燕
都齋船奉慈母去去情歡娛半夜打鼓行錦纜牽徐齊子有

濟世心置身宜當途珥筆摘英華翔步青雲衢先達正推轂
當宁方崇儒何以救民困獻策佐廟謨細繪鄭圖進乞免三
吳租再請發天庾全活溝中癯隻手回造化迺克稱良圖詩
賦飾太平耽玩非壯夫伊余守章句老大棲菰蘆忽忽擲雙
丸於世何有無側足瞻行旌心切轉躊躇臨歧贈斯言幸勿
棄蕘芻

和古南牧老人四詠

存二

嗟予縛塵鞅愛此梧軒靜

梧軒爲老人齋額

疎竹風翛翛坐來發深

省奔走百年間奚殊流電影灑埽遲故人扶筇以延頸

秋軒

穠灼春芳歇幽台獨秋花譬彼吉士心曷嘗慕紛華皎月映

苔花涼風吹水涯候蛩草際鳴唧唧猶歎嗟

秋花

晚過觀瀾庵卽事

寒暑相遞遷每歎白駒速西溪久不來路口橫脩竹地僻阻
迴瀾橋危接孤木水磴生綠錢霜籬敗黃菊斜日澹郊原衆
鳥喧林麓禪室耽清寥塵境傷局促顏闔鑿深坏孫登嘯空
谷昔賢非絕人達者羞干祿予生亦何爲老大終鹿鹿今朝
謝塵鞅山僧共幽獨物外多留連此中堪信宿東院聞鳴鐘
坐使心魂肅

登艾山望臯亭懷友

極目西南外臯亭不可攀白雲連古碇清磬隔前山薄暮空
憑眺長風任往還幽蹤定何處應在兩峯閒

朱買臣墓

訪古一惆悵悲風吹綠蘿艱難當日事淪落負薪歌尙有孤
墳在曾無駟馬過蕭蕭松柏路千載何山阿

溪上呈家兄

吾家此溪水朝暮潛幽蹤暮見水邊月朝聞溪上鐘羊牛深巷下燈火比鄰春近說躬耕好相將問老農

和杜鄰若過懸公西溪精舍

向晚尋支遁平林小徑通柳深三月雨花滿一溪風思落青雲外名高白社中相逢真寂寞空自老揚雄

歲暮送許箕

征鴻南渡盡遊子始言歸雨雪津亭合烽烟客棹稀離憂方卒歲飄泊更無衣後夜梅花月相逢夢不違

除夕懷許箕

今夕爲除夕蹉跎又一年明燈坐虛室開篋檢殘編茅屋春山路梅花雪夜船何當更乘興樽酒共留連

秋夜同諸子集朱彝鑿村居

言訪幽棲客青林夕景斜
倒衣仍命酒移席共看花
河朔樽長在邨南路未賒
明朝有餘興重此問朱家

留別

淪落今如此飄零只自憐
學書悲夙昔負鍤感餘年
亂草荒原白秋花錦石妍
豈知杯酒外離恨滿風烟

送別

送客離亭外長歌行路難
帆開江水闊日落海雲寒
執手情何極臨歧涕未乾
風花不解恨飛舞更漫漫

客舍言懷

多病兼爲客愁聞風雨聲
淒涼知旅況蕭颯起秋情
碧蘚侵床暗丹楓入檻明
異鄉淹歲月坐使意氣平

石湖曉發有懷李秋錦

雞唱官亭曉危檣露未乾湖頭風浪急吹上客衣寒卽此懷
鄉切知君去國難音書久寥落那不念加餐

和答放眉師見訪

工詩慙謝客嗜酒類淳髡晝雨頻開帙春風獨閉門樓臺連
古剎花木隱西村未達浮生理從公數討論

題豐村戴如度草堂

羨爾豐村草堂僻紅塵阻絕稀交遊桑麻十畝類彭澤圖書
半生傳虎頭

戴善丹青

梅花製曲感同調竹葉開尊消遠愁可憐

乘興杳何許悵望清溪空釣舟

送朱錫鬯之雲中

念汝頻年苦潦倒辭家八月向關西可憐入口艱衣食猶傍

他鄉聽鼓擊紫塞風高秋色遠黃河日落亂峯低雲中候鴈
南飛早尺素加餐好數題

與家兄夜話

十載衡門掩薜蘿近來消息更蹉跎中庭草暗秋蛩語小榻
涼生暮雨過漫說關山分羽檄正憐蓬華共謳歌風塵老大
終貧賤相對閒居歎若何

和韻滿敷功遣興

山林城市趣能兼輦下棲遲爾勿嫌金闕曉雲千縷散玉河
春水半篙添隔鄰酒美因知姓入戶花香不礙簾旅恨閒愁
聊自遣清詩險韻故頻占

長門怨

月落長門裏笙歌靜夜傳君恩元不薄承幸已當年